

第二編

社會

民族

邑境位居本省之北部邊地與黔昆連黔省古稱鬼方國漢稱南蠻縣地係楚外方亦屬荆蠻昔乃苗猺獞三族混居自漢迄清漢人自外省遷入以由山東而來爲多湖南次之因久相漸染均歸同化近惟有治安鄉達科村仙桃洞趙姓數戶苗族後裔而已其餘全係漢族

姓氏

邑民聚族而居有數大姓而以盧莫覃章蒙最占多數黃梁次之吳潘又次之餘姓則爲數最少逐列於後

莫姓原籍山東省濟南府於漢朝遷來初到此地之始祖名莫登州葬於龍潭村肯坡地現共有壹千零壹拾戶

盧姓原籍山東漢朝遷來共九百八十六戶始祖盧明道葬於下海六久空地

覃姓原籍山東漢朝遷來共七百二十六戶

章姓原籍山東漢朝遷來共九百六十戶

蒙姓原籍山東漢朝遷來共七百三十二戶

黃姓原籍湖北明朝遷來共六百三十二戶

梁姓原籍廣東明朝遷來共五百四十二戶

吳姓原籍湖南清代由思恩移來共七十四戶

潘姓原籍失考共四十六戶

陸姓原籍失考共四十一戶

朱姓原籍湖南清代遷來共五戶

李姓原籍湖南清代遷來共二十三戶

玉姓由思恩來共十三戶

周姓原籍湖南清代遷來共二十戶

姚姓原籍貴州民國初年遷來計一戶

馬姓原籍湖南清初移來計一戶

劉姓原籍湖南清初移來共二十七戶

符姓原籍湖南清初移來共十九戶

龍姓原籍湖南清代移來共十戶

謝姓原籍失考共二戶

王姓原籍失考共十六戶

唐姓原籍湖南清代遷來共五戶

蔣姓原籍湖南清代遷來共三戶

石姓原籍失考共二戶

龔姓原籍失考共九戶

伍姓原籍失考計一戶

鄧姓原籍失考共八戶

許姓原籍湖南清代移來共二戶

楊姓原籍失考共九戶

鍾姓原籍失考共三戶

陳姓原籍失考共十三戶

藍姓原籍失考共二戶

聶姓原籍廣東民國移來計一戶

賴姓原籍宜山民國移來計一戶

溫姓原籍遷江民國移來共二戶

秦姓原籍四川民國移來計一戶

歐姓原籍思恩清代移來共一百八十二戶

雷姓原籍湖南民國移來計一戶

白姓原籍貴州民國初年移來計一戶

何姓原籍失考共九戶

羅姓原籍思恩清代移來共四十七戶

方姓原籍玉林民初移來計一戶

向姓原籍貴州清代移來計一戶

盤姓原籍湖南清代移來共十戶

廖姓原籍失考共二十五戶

鄒姓原籍湖南清代移來共五戶

張姓原籍失考共九戶

邱姓原籍失考計一戶

鄭姓原籍失考計一戶

岑姓原籍失考計一戶

蘇姓原籍失考計一戶

黎姓原籍失考計一戶

巫姓原籍失考計一戶

戚姓原籍湖南清代移來共四戶

姜姓原籍湖南清代移來計一戶

趙姓原籍貴州清代移來共五戶

譚姓原籍失考 計一戶

施姓原籍失考 計一戶

蔡姓原籍龍州民國遷來共一戶

董姓原籍失考 計一戶

桂姓原籍湖南清末遷來共五戶

尹姓原籍失考共八戶

丁姓原籍失考共二戶

崖姓原籍失考共二十七戶

按——宜北在民十以前各姓戶口爲數達壹萬式千有奇自經民十政變而後地方擾亂兵匪交殘在十年之中人民死亡減戶十分之五至民廿二年調查僅存六千戶左右至二十五年本處調查共有六十三姓六千五百三十戶

方言

各姓初來此地原說官話後因住此日久遂相沾染受環境所同化變說土語現今所操之口音土話如父曰博又曰他曰爺母曰姆又曰馬兒曰哥弟曰儂妻曰妯又曰牙子曰勒嫂曰畢姐曰達妹曰妹亦曰儂伯曰隆叔曰考祖曰褒曰公妣曰奶舅曰那甥曰懶孫仔亦曰勒懶老庚曰介同走曰擺睡曰寧坐曰囊回去曰丕馬來曰斗講話曰港華我曰古你曰們不懂曰米嶺食曰肯飯曰矮酒曰搜肉曰諾食飯曰肯矮食酒曰肯搜食肉曰肯諾食早飯曰肯矮食中午曰肯嶺食夜飯曰肯有米曰后草曰仰木曰美樟木曰美考楓木曰美有黃牛曰測水牛曰徒懷馬曰徒罵豬曰徒毋狗曰徒爲鷄曰徒皆鴨曰徒必衣曰襍褲曰挖帽曰毛穿衣曰等襍穿褲曰等挖戴帽曰等毛魚曰巴山亦曰巴目又曰巴魚山目土音相同義不同也小孩曰勒雖青年曰勒左老人曰卜老此不過舉其大要數種而已其餘大致與思恩言語相似以其大同小異耳如仙桃洞之苗語則異於是如食飯曰奴亞老庚曰西提去曰木來曰樓往那裡曰木克第

風俗

冠婚喪

冠禮：周禮男冠女笄邑民對於冠禮從未有行之者惟名門大家於結婚前二日男子穿制服戴禮帽騎馬乘轎邀多數同年男子作伴往女家親迎頗與冠禮相似

婚禮：男女結婚素來概由父母主張不由男女自擇如兩家父母相善各有子女看其男女年貌相當貧富相等不問其已否達到結婚年齡則托媒問字如女家允許即交女子年庚與媒人帶交男家隨請星士批評無相沖尅就可合婚由此則議定財禮上等家庭八十至一百元中等家庭五十至七十元下等家庭三十至四十元不等若

兩家情投意合亦有不議財禮者由男家隨量送但兄弟姐妹避不爲婚而同姓多有不避之者迄今社會進化民智開通盲婚制度逐漸減少是由男女雙方自主惟須父母同意

聘禮：除規定財禮外過聘之日男家備猪仔一隻鷄二只鴨二只香菌茶葉鹽糖麪菓各成包名曰水禮先由媒人通知女家約定日期男家之父或母邀族內數人同伴送往女家名曰押禮女家則酬還以布帛紅粳糖糕之類

迎婚：男家選擇吉日成親則備辦大猪一隻五十斤以上猪肉二三十斤糯飯五十斤酒四十斤（下等家庭從簡）於先一日僱伏送到女家召請女族歡飲一場并遣派少年女子兩人隨媒同去接親中上家庭新郎則往親迎住宿女家一宵唱歌達旦次日逢吉新郎新婦同來郎家鼓樂喧天諸娣如雲女家備贈妝奩帳被之類三五舖十舖不等或亦有送與牛馬者祇在各家之有無與量度爲定

儀式：邑居邊隅風氣未開男女結婚相沿舊例文明婚禮素未說到或有仿效古禮新郎新婦謁拜祖先敬拜家長已耳餘禮則少有行之者

陋習：新婦將至婿門先索手鐲一對或銀一二元方肯登堂入室婦將入門男家破竹一條揉成拱橋形派老婦一人扶新婦跨過竹橋以取其健康之兆又備豆腐一塊上置草橙令新婦坐於中堂以取其柔軟服從之意婦至婿家食首一餐務必食魚以取衆維魚鯁子孫發達之意送嫁女子數十成羣擁滿新房唱歌兩夜新郎新婦未得見面至第三日回去向男家索腳鞋費每人三五角不等竟費至七八元新婦亦隨同送嫁女子回母家住後男家又派人往接來住一二晚多則五六晚如此屢屢名爲走媳婦路即至身孕生子之後方安於室永住夫家數

年來改良風俗會成立積極宣傳嚴禁女子不落夫家現今此種陋習亦逐漸消滅矣

童養媳：貧寒男家無力聘娶見有某家女孤苦無依託人說合兩相允願即携到男家養飯達到相當年齡始備酒席請客歡飲由此宣告婚姻成立然今亦稀聞罕見

入贅：凡年老無子僅生女者則招人入贅所有產業開親族會議立契交由贅婿承管族人不得干涉中年婦女其丈夫死亡經生子女不願出嫁經夫直系尊親屬同意亦招人入贅藉助看護其孤兒幼女祇贅夫無處理財產權但入贅之事以爲羞恥之行順境之人多不屑爲其家境困難無力娶婚者乃迫而爲之耳俗語鄙入贅之言曰「倒佩簑衣」邑中入贅風氣原來少有

再醮：凡中年婦女其丈夫死歿未生子女不願守節可以再嫁亡夫之父母或親族得以收回其財禮寡婦亦得四分之一作衣服費但再嫁之日以爲羞恥之行假出田間做工或由後門而出即逕自去行伴侶在野外等候一路而往新夫家須滿一個月始攜酒肉牲頭往外家敬祖宗耳

誕生：凡結婚後產生子女甫三朝做湯餅會邀族中孩子會食滿月即備猪仔鷄鴨猪肉酒飯挑赴外家奉敬祖宗約齊外族婦女大會一餐外家則贈送黃禾富家五六十担貧家必須三五担并送染紅雞蛋三個染紅糯飯一担以及襪襪之類是夜則召親族老少歡樂痛飲日彌月酒親戚朋友聞知有喜青年女子相率而來竟送猪腿糯粑衣鑄帽鞋住一二夜唱歌樂諧名曰看兒現尙盛行

喪葬：父母壽終之日須僱棺木殯殮兒女憑棺痛哭滿身掛白戴孝出柩時備物奠祭用猪一鷄一鴨一布帛菓品香

燭陳設柩前獻禮讀祭文曰闌門祭祭畢送出郊荒若山向大利隨即安葬否則暫停厝俟擇獲相當地所再行
塋葬在三七二十一日內早晚孝男親臨柩所焚香叩拜以表孝心

喪儀：父母靈柩送出郊後設靈位座於門後陳供祭品稍裕之家請道士於中庭設壇張掛佛像憑佛誦經懺悔超度
亡魂速則三晝遲則九夜貼出訃聞使親友知於罷喪之前夕親戚往弔或送帳屏或送豬鴨以及香燭之類接
踵而至是晚開設堂祭孝男一座衆姪一座女婿一座行三拜九叩禮喪家酬客每人白帕一幅長約三尺名爲
拭淚巾客接以包其頭滿堂白首同表弔意飲食俱素次晨方能吃葷食能各散歸去

孝敬：孝子穿麻戴孝寫亡人靈位於神座之旁早晚燒香敬奉雖粗菜淡飯亦必供養以表孝敬事死如事生事亡如
事存之意行滿三年後始用紅紙寫亡人名字與各祖先排列即將靈牌焚化孝子亦除服名曰化靈除服

遺產承繼

父產子承沿成慣例生育多子財產均分肥瘦互搭好醜配勻稍豐之家除分配各子外抽存一部份父母猶存作爲養
老田歿後作爲祭田以備每年逢清明節上墳拜掃之用兄弟會餐又留一部份作爲女子陪奩田以備節季女子歸寧
送與禾把粽粿之類若無男子則全部財產皆歸其女享承別人不得侵佔或亦有分一部份與房族者

起居飲食

宜北山高地窄土瘠民貧農民佔百分之九十以上日出而作日暮而歸終歲勤苦猶不自給所居多是樓房上面蓋瓦
或草中層用板架樓隔室下爲畜舍飼養牛豬上人下畜極碍衛生明知不適惜無力以改造耳衣服類皆土布各家婦

女自紡自織自染自縫最奇者用至斜紋布上海灰爲止睡眠需料用土錦土布縫爲夾被及用棉花彈爲棉套上覆下墊暑天則用蚊帳竹簾草蓆一般人所用大都如此其經濟稍裕者亦用毡氈貴品食惟糯米粳米爲大宗粘米次之青黃不接之時以雜糧以輔之卽玉蜀黍麥子小米糲米豆菽之類每日早午夜三餐富裕之家皆食乾飯貧窮之家則三餐俱食稀粥甚至少食鹽油日常不過以清水煮菜熟而食之農民生活實亦苦矣菜瓜則青菜蘿蔔白菜黃瓜南瓜豆菽等肉肴則牛豬鷄鴨魚烹法簡單求熟而已飲酒甚爲普遍爲鄉村不可少之物待遇工人每晚每人須酒半斤肉則隨便只有四兩炒豇亦可佐飲一逢工作過勞之日如翻糞挑糞播秧等事酒肉必須增加任其暢飲以犒賞其勞苦方免後論

交際

邑俗尙節儉崇樸實世代相沿凡遇慶哀之事親戚朋友皆互相往來交相慶弔婚家請客或先發請帖或亦不發請帖者親友聞知皆送禮致賀最親者送白米一担約五十斤酒一担約三十斤或送與布帛友交者賀儀送東毫五角至壹元不等同村者三角至五角或送對聯喜炮起造新房賀禮與賀婚同受禮者待客備辦烟茶酒肉設席款待每席費用二三元左右親友高談暢飲猜拳唱歌客宿兩夜不醉無歸服內最親者分担抬餐或三席五席或亦抬全餐能筵之後夕主人家又召親族同宴一餐盡歡而散客歸或酬以布帛猪肉之類哀喪之事父母歿時發出訃聞親友聞知同來弔唁抽銀製送輓帳輓屏輓聯及辦豬雞菓品香楮陳設奠祭住宿一宵頭餐吃素祭畢次早之餐始擺祭肉待客飲盡而散女婿往岳家弔喪必辦素酒素飯各數斤用草束成喪馬粗布裹之形如真馬挑往外家供祭屏聯隨力貧可畧之女

穿孝衣戴箬帽散髮辮跟後而行將至喪門則放聲大哭追述生前之恩及歿後之失望名曰送墓馬至於逢生日老人做壽酒親友釀金買紅布製壽帳壽聯或用好紅紙書壽字送往祝壽或亦有送橫式匾額寫四大字於上如福壽雙全等字樣鼓樂歡送喜炮連天備極一時熱鬧壽家籌備酒肉設席款待歡飲二餐而罷生育子女由主人示意親友婦女皆來道喜送豬腿糯粬孩衣手鐲孩帽等類或送對聯慶賀大宴一場

好尚

世界上喜新厭舊好佚惡勞大抵然也邑民生居邊地遐荒目不覩繁華勝景耳不聞笙笛管簫樸實自安勤勞不倦衣服不尚華麗但求其暖飲食不尚甘美但求其飽農隙之時尚打獵學拳術在元旦過元宵節尚遊春舞龍頭獅子唱小調男子則然女子尚種棉紡織刺繡賣布賣棉賣鞋獲值則將銀付匠製首飾裝品耳環手鐲頸圈之屬衣尚綢邊三四重以爲美觀自民十五年以來成立改良風俗會積極宣傳現今衣服陋裝逐漸改良讀書士子清時尚作詩對八股文章策論賦議自宣統初年開辦學校歷二十餘年文化進步注重科學而舊時之腐敗文字漸滅矣至于嗜好羣情對於宴會尚飲酒賭博打紙牌吹烟向亦所在多有自民十九後厲行禁止有智識者互相誥誡愚頑覺悟同歸正軌不敢放肆賭牌吹烟等弊病現亦少有矣

節季

歲時娛樂自古有之人民終歲勤苦逢節之日不可無宴樂之舉

正月元旦爲新年節寫貼春聯燃放竹炮宰豬烹雞歡樂團飲除夕焚香點燭坐以待旦名爲慶春自初一起至十五日止爲宴樂時期共舉春觴交相召飲一切之事皆置諸度外上元節鳴砲宰牲送神從此以後各做農事

二月逢戊日爲春社每村共釀金每戶壹毫或貳毫交值年會首買一大豬并備酒飯供敬社神焚香點燭燃炮化紙叩神護佑五谷豐登百姓安樂遂歡飲而散或亦有分社肉各携回家自食唐詩云處處同斟春社酒家家扶得醉人歸

三月逢清明日家家戶戶備辦豬肉數斤大雞一只稍裕之家宰用豬仔造黃花糯飯香燭紗紙男女大小上墳拜掃陳設禮物於墳前供祭畢而食之曰插柳節墳墓崩塌或墓頂凹低則加工修砌補坭并插紗紙一簇以表聞雷泣墓之孝思推及原因在列國時代晉文公出亡在外過衛五廬之墟飢餓不能行乞食於野人野人與土塊晉文公怒欲殺之狐偃曰得土乃得國之兆拜而受之文公乃拜再過數里文公飢甚不行介子推見公將死急割股肉煮熟啖公公食畢問曰誰與以肉推曰臣遇賣肉者在後故買煮以充君飢文公歸國論功行賞不及介公有人言於公曰介子推在衛五廬時割股啖君君不知也文公悔出榜文召介子推見介不見乃隱於綿山時人不平爲介公作白曰有龍皎皎遊於江湖數蛇從之一蛇割股文公知爲介公剖忠乃往綿山訪之介公誓不出文公曰介子推孝子也焚其山以彼不忍母死必出介公問母曰事急矣母必出子死於此母曰子能如此母亦死矣母子遂死於柳下後文公見其屍曰真忠臣也吾悔矣因改綿山曰介山勅以清明節爲禁烟節不舉火者一日又曰插柳節每逢此日携酒往郊外祭奠各折柳一枝而歸相沿日久吾人就用酒肉敬祖宗掃墳墓此則清明節產生之原因也

四月初八日爲烏飯節家家採取楓葉搗濫醞釀一二日使之發酵煮出烏水以之染米盡變烏色蒸熟以供家神並備

豬仔祭三界公爺以望禾苗豐熟家家戶戶遍插楓枝於門此係地方之習慣使然殊莫明其究竟

五月五日爲端午節又曰蒲節家家戶戶懸蒲於門束艾爲人形以爲驅除妖氛檢取百樣草藥大鍋煎熬用水洗浴以妨病疫用雄磺研末沖酒人人飲之以驅病邪並採何首烏葉搗濫和糯米調勻蒸烏粬約三五斤往水邊供祭相傳楚屈原溺於是日古有龍舟競渡以表追悼今地方亦仿此意良非謬也

六月初二日祭后稷雷王等廟每人釀銀一二毫買豬仔酒飯祭供祈神保佑五谷豐登

七月初七日爲七夕節迎接祖神每家宰鴨焚香點燭供祭祖先靈座由是日起至十三日止婦女買鴨携回外家敬祖祈福外家則送以禾把粽粬紅蛋十三晚在寢室門邊供祭以爲安花佑子焚香化紙畢而食之至十四早爲七月半首蓮節各戶宰鴨敬神開懷暢飲休息一天諸事不理十五早送神飲罷完畢

八月十五日中秋節買辦豬肉月餅雞鴨米粉供神座畢舉家歡飲夜間皓月當空用柚子插竿尖向空高舉名爲望月男女唱歌歡樂一場雞鳴方罷或請法童做夜禁衆人環圍法童於中間齊聲詛咒使之降陰問神唱歌互答將曙方休此舉涉邪今已嚴禁

九月初九日爲重陽節邑人少有信行者祇稍富之家則釀重陽酒有好客設之欸待

十月十日村中老人用香一炷當正午方燒之置於地上看其燒向何方俗云東吹西明年必飢西吹東明年食鬆南吹北有錢買不得北吹南白錢買三石成爲農諺

十一月冬至日富家宰豬治爲臘肉配以香料以備待客之需

十二月三十晚爲除夕宰雞陳酒以供家神各村釀金宰豬供社平分社肉燒香點燭燃炮送除舊年通諺云老者低頭辭舊歲孩兒拍掌賀新年或有坐以待日送舊迎新雞鳴之時家家戶戶競燃紙炮每家以燃十二個爲準以定年中十二個月之吉凶如炮响聲音宏大者爲吉反之爲平俗慣之心理爲然亦未有何根據

娛樂

宜北邊僻小邑交通不便人民以農爲業日出而作日入而息對於娛樂問題素未談到況且設縣未久文化未甚開通所以娛樂場所尙未設置祇於農餘時飲酒爲樂過新年節以舞龍舞獅唱調爲正當娛樂青年男女成羣郊遊唱歌調情名爲遊春自正月初三至十五日而止後仍各歸農事每逢婚事慶筵經濟豐裕之家則鼓樂鏗鏘貧戶亦屬寂寞惟男女唱歌在所不免此種近於邪淫今已禁止近來每逢慶祝之事學校亦有表演白話劇爲娛樂也

迷信

地居邊僻文化落伍社會封建心理牢不可破而迷信思想成爲一種慣例

風水：凡造屋葬地必先請堪輿先生看龍脉納砂水定山向擇時日然後起房墓此最爲重要之事任誰不敢忽之以望子孫昌盛富貴榮華

命卦：算命卜卦邑最盛行每逢年節競尙算命以問年中之命運吉凶禍福卜卦以占年中各月吉凶何方爲利何方爲忌六畜禾苗財喜如何卦中現吉則欣然飲酒凶則延巫禳之此涉迷信縣府已通令禁止

疾病：凡遇發生疾病舉家憂愁不求醫藥調治迷向鬼神祈禱小病則以米卜卦問是何神作祟大病則延法童詛咒

問其生死何如立即備辦牲畜酒飯請鬼師誠心禳禱荒謬之極現今醫務所成立人心亦遂漸信用藥品不再如前之迷信鬼神矣

死喪：父母逝世殯殮出柩後延請鬼師設壇誚咒名爲開亡路度亡魂稍富之家則設道場誦經禮懺名爲報恩經引父母早升天堂三夜七夜十餘日量力行之費用三五十元至百元不等雖經縣府通令查禁仍未盡改

鬼神：邑人崇拜三界公爺莫大聖靈王雷王上司等神餘不及載每宰殺牛豬取血祭之以祈護佑

歌謠

邑處邊隅未有其他娛樂歌謠爲邑人心理所好尙每逢婚筵壽誕起屋喜事親朋畢至會宴一堂飲酒興高采烈之際彼此遂唱歌兒一唱一和以決勝負其意義在於祝頌稱讚如婚筵歌則祝翁姑長壽夫妻百年偕老子孫昌盛老人壽誕歌則祝壽比南山福如東海起造新屋歌則祝棟宇巍峨鞏固千秋子孫發達繼述綿延等等意思除本題外或亦有問答時事相持之間非常高興各以爲志在必勝而後已歌歡之冠頭語「麻哩啫」曳長音「對尼你」短促音歌之尾音「麻西來西啫」「涯涯」曳長音又一種歌比之冠頭語「儂啞苦哩尼關哩苦」曳長音歌之尾音「對儂那」「哩儂啞郎」曳長音每逢唱歌自早至夕或自夜達旦歌詞千百調之多聲音婉轉其中頗有意味或亦有工作完畢飯罷出外乘涼又唱樂偕歌名曰比嘆身以解愁悶

戶口人口

宜北向屬思恩一邑光緒三十一年分設廳治後改縣名其戶口原爲壹萬貳千有奇自民國十年大局變更地方匪亂

如麻人民死亡滅戶去其大半至民國二十二年自治籌備會從新調查僅存六千戶左右前分中左右三區今只劃分爲六鄉戶口人數之多寡分別於後

城廂鄉戶口壹千壹百九十八戶	人口男三千二百一十四人	女三千零六十四人	合計六千二百七十八人
中和鄉戶口壹千壹百零七戶	人口男三千三百八十七人	女三千一百三十六人	合計六千五百二十三人
治安鄉戶口壹千壹百二十七戶	人口男三千二百九十二人	女二千八百九十六人	合計六千一百八十八人
崇興鄉戶口壹千零三十五戶	人口男二千八百八十六人	女二千三百六十人	合計五千二百四十六人
馴樂鄉戶口壹千一百三十三戶	人口男壹千六百五十四人	女壹千二百一十九人	合計二千八百七十三人
道安鄉戶口九百二十二戶	人口男三千零六十一人	女二千三百一十四人	合計五千三百七十五人
統計全縣六鄉五十八村街戶口六千五百二十二戶	人口三萬二千四百八十三人	男占壹萬七千四百九十四人	女占壹萬四千九百八十九人

職業團體

民國初年成立宜北縣商會一所陳芝廷爲會長係由公昌同記源興廣發同興等商舖組織而成迨至民十政變商業倒閉商會因而中止至今經濟崩潰尙未恢復

慈善事業

光緒三十一年縣令譚鄰華成立官醫藥局一所提公款三百元購葯聘羅城陳能舉爲官醫員陳因事去職復聘本籍紳士莫堯端接理對於救濟事業頗著實効迄民元而後廢弛民國十三年縣長何秉璿成立官藥局一所聘思恩覃承武管理從事診治不久停頓民國二十四年縣長李希白任內成立醫務所一所內設主任一員助理一員所役一人醫藥資本約三百元由地方款項下撥用行之經年民衆尙知信仰

社會問題

邑民熙熙攘攘耕田而食折薪而爨且僻居山谷交通不便社會生活大概爲自耕農與佃耕農二種自耕農占十分之七佃耕農占十分之三

自耕農：自耕農係承祖宗遺產或自製田產所有不多能供一年之食者亦有不給者家人合耕正所謂自耕而食如逢耕作緊急之時則邀鄰互助不出工資他日鄰家工作緊急則出力以償其工卽交換工作式

佃耕農：佃耕農者田業甚少或無產者其家人口衆多生活艱難則向有土地稍多之田主訂約佃種其田期限以三五年爲定收穫之谷上等田照五份分田主占得三份佃農占得二份中等田分兩各占其半下等田照五份分田主占得二份佃農占得三份糧賦由田主負擔完納至於開墾荒田連頭三年田主不收田租佃農自種自得過三年後田主卽議收租看田之好醜爲定開荒之田田主或助之牛及資本米糧使佃農不致大感困難佃農除耕田外家中尙能飼養豬雞種植蔬菜年中亦能自給不受饑寒而已

工人問題：凡失業者生活固難則與人傭工度日零工每日工資五角伙食在內長工每月工資二元五角每年傭主

格外供給土布衣服一套所需膳費草鞋煙費均由僱主負擔每日工作時間七小時而已飲食之際主工不分席位以此接洽工人激勵慰勉使其工作效率增大僱主待遇工人並無刻薄在勞資方面亦無發生糾紛

借貸問題：高利貸時常發現貧民向富家借債必有正當人担保及有相當田畝作抵押方肯允借議定償還日期長期一年短期一二個月長期利息每月每元取息五仙短期利息每月每元取息壹角貧民借貸負擔過重甚至有還債而不退契者所在多有例如債目二十五元已經還過二十三元尚欠二元債權人以爲尚欠尾數故意匿契不退日復一日事過境遷收債人亡故其子以有契爲憑再向債務人重索因此發生重大糾紛時有所聞貧民受此痛苦亟應設法解除之

婚姻問題：婚姻概由父母主張男女不能自主尤其早婚之事所在多有事後發生反感離婚惡劇層見叠出現今從事禁止早婚目前亦逐漸改良由雙方自主矣

賭博：賭博一事早經禁止祇鄉中尙有私行門牌時常發現亦爲社會流毒亟應從嚴禁絕以挽頹風

鴉片：吹鴉片煙邑中少有除老病之人偶事沾染外餘皆不輕嘗試